

5 9

Kurze anzeigung: Welcher massen der

Durchleuchtigest vnd Hochgeborne
Fürst vnd Herz/ Herz Philips / der Römischen
Keyserlichen Maiestat / vnser aller gnedig-
sten Herrn son/ vnd die Durchleuchtige hoch-
gebome Fürstin vnd Frawe/ Frawe Marias
gebome Königin in Engellande/ am
tag Jacobi des haligen Apostels/
dieses 1554 Jars / ein-
ander entpfangen
haben.



Auß dem Latein verdeutschet.

Maria.

Ich das ein mal E. S. Gnad
Mich wartende erfrewet hat/
Vnd auß Hispani kommen ist
In vnser Reich zu diser frist/
Mit vil vom Adel hochgeborn
Rittern vnd knechten auferkom/
O Durchleuchtigster König groß
Fürwar von hertz ich sage das/
Ewer Königliche Maiestat
Vollen gewalt vnd gut macht hat/
In diß ganz vnser Königreich
Sicher einzugehen on scheuch/
Welchs mit vil müh vñ grosser gfar
Von mir kaum gstillt ist fürwar/
Das forthin durch ewern gewalt
Beschützt vñ beschirmt werde solt.
Gott der Herr sol sein mein zeug
Von Königlichem Stamme theur/
Der mich hat lassen werden geborn
Vnd euch erret von manches zorn/
Mir dises Königreich vnd Landt
Ubergaben hat in meine handt/
Zu regieren mit hüß vnd rath
Ewer Königlichen Maiestat/
Das

Das mich werden lust vnd begier
Ewer Königreich Land vñ refier/
So/Got lob/ich vorhin gnug hab
An Land vñ Leut zimlich vermag/
Auch mit der jugent brunst bewegt
Die ich von kindheyt hin gelegt/
Vnd bis her das leben mein
In zucht vnd scham gehalten rein/
Sonder E. Fürst. gerechtigkeit
Gros tugent vnd Gottseligkeit/
Das ich E. f. Gnaden mit
In aller zucht zu leben mit jr/
Haben außertorn vnd begert
Damit mein reych bleib vnuerfert/
Euch alles vnderthan in ruhe
Beschützt würd für allem vnflug.
Vnd so mir Gott durch sein gnad
Weyl alls in seinen henden stat/
Von E. f. Gnad geben würd
Ein Edle vnd zarte geburt/
Das sey ein Erb des Königreich
Auch meinē volck entstehe zugleich/
Darauf ein newe freud vnd eha
Die für vnd für bey jnen wer/
Ja wenn nicht widerwertigkeit
Von jugent auff vil herten leyd/
A ij

Mir zugestanden wer/het ich
Ewrs Herren vatter sicherlich
Egemabel mögen werden
Ein Keyserin auff diser erden/
Doch ewrs Herz vaters tugêt groß
In euch erzeigen sich on maß
Vnd das Fürstlich gemüt so reich
Des man nit find jetz seins gleich
Darumb ich nit mit weniger freud
Ewz Fürstlich gnad zu diser zeyt
Zu einem Ehelichem gemabel mit
Als aller tugent ein kron vnd zier
Animb/dieweil auß sonderm rath
Mich Gott der Herr verordnet hat
Dem löblichen Hause Osterreich
Des man izt nicht find seins gleich.

Philippus.

Swor ich dz mit Gott bezeug
Vbey vnser gemalschaft vñ trew
Bey vnserm HErrn Jesu Christ
Der vns beyde zu diser frist
In einem bestendigen gemüth
Ehelich zusammen hat gefügt
Diser

Diser schweren betrüben welt
Zu hilff zu kommen fürgestellt.
Als vns erstlich zu ehren kam
Vnd die frölich botschafft vernam
Wie das vns ewer fürstlich gnad
Zu einem Gemahl erwelet hat
Vor freuden vnser hertz thet springē
Auf lieb inwendig thet erbrinnen
Denn wir noch in gedechtnuß han
Wie jr in vnglück thet bestan
Das euch von jugent auff zusetzt
In mancherley weg hat verlerzt
Welches jr doch mit grossem mut
Getragen habt in Gottes hut
Der euch herauf geholffen hat
Gesetzt in hohen wirdens stat
Zu regieren das Königreich
Engelland/ vnd ander dergleich
Den wez wolt anders können sagen
Das sich also habn zugetragen
Die sachen mit ewer fürstlich gnad
Dz es sey geschehen durch Gots rat
Vnd dweyl wir jzt ein kurze zeyt
Daran vns denn nicht wenig leyt
In Hispanien möchten faren
Ewer lieb an vns nicht wolt sparen.

Sonder bey vns ewr fleiß vñ trew
Fest bstandig bleib vnd allzeyt new
Ey wie vil krieg E. Fürstlich gnad
In kurzer zeyt gestillet hat
Darauf vil sieg erlangt vnd ehe
Als ewre vorfarn / ja vil mehr
Als Isabella mit krieg erlangt
Auf dem grossen Mauriter Landt
Welch ewr Fürstlich tugend vñ that
Vns destet mehr gefangen hat
Vnd teglich die ließ in vns mehr
Das vnser hertz dest mehr begert
Zu fürdern ewers Reiches nutz
Hand zu haben in bestem schutz
Ins Herrn willn wir setzen gern
Ob er ein Erben vns wolt bschern
Ja so mir Gott der Herr ein zeyt
Gesund vnd langts leben verleyht
Mit seiner hilff macht vñ beystand
Lybia / Asia / vnd andere Land
Zu bringen vnter mein gewalt
Gedenck mit grosser rüstung baldt
Des Türcken Tyranny zu wehren
Sein reich vñ land jm thun zerstörn
Auff das das heylig Land das er
Mit aller Christen grossen bschwer
Gar

Far Tyrannisch Bezwingen hat
Jerusalem die heylig Stad
Wider von jm erlediget werd
Desgleichen andere feind auff erd
Der Chriſtenheyt/ werden erlegt
Das ſich jr keiner mehr nicht regt
Darauf ewim Königreich vñ land
Durch mein ſtarcke ſieghaſſte hand
Dil Triumph vnd glori entſtehe
Mit gerechter ſach alles zugehe
Das hierin geſucht kein eigner nutz
S:nder der armen Chriſten ſchutz
So wird Got allzeit bey vns ſtan
In ſein namē wöllen wirs ſahē an.
Gedruckt zu Nürnberg bey Jörg.
Breydein auffm newen ſaw.

Faint, illegible text, likely bleed-through from the reverse side of the page. The text is arranged in approximately 12 horizontal lines.